



1. Մեր մեջ ամեն ինչ նոր է արդեն,
Սուրբ է, գեղեցիկ, հասարակ,
Հիսուսն է խոսում մեր նոր սրտից
Ու մեզ միշտ տալիս հաղթանակ:

Լսո՞ւմ եք, բախում է ձեր սիրտը,
քար սիրտը,
Մեր Տերը իր սիրո մուրճով,
Որ բացեք, որ բացեք ձեր
սիրտը, քար սիրտը,
Եվ Տերը մտնի իր փառքով:

2. Սիրով է տարել Տերն իր խաչը
Եվ մեզ պատվիրել խաչ տանել,
Լսո՞ւմ եք, լսո՞ւմ եք իր կանչը.

«Եկե՛ք ինձ, ինչո՞ւ եք կանգնել»:

Դե գնա՛, դե գնա՛, մի՛ կանգնիր,
խեղճ հոգի,

Բաց է գիրկն օրհնյալ Հիսուսի,
Հիշիր, որ սիրում է, ներում է
քեզ, հոգի՛,

Վստահիր Քեզ կանչող
Փրկչիդ:

3. Ուզում եմ վստահել Քեզ, իմ Տեր,
Բայց չի հերիքում հավատքս,
Փրկիր ինձ, փոխիր ինձ, իմ
Հիսուս,

Գիտեմ՝ ձեռքումդ է իմ կյանքը:

Գալիս եմ, գալիս եմ, ձեռքդ
տո՛ւր, իմ Հիսուս,

Եվ բուժիր բազում վերքերս,
Լոկ Քեզ մոտ, լոկ Քեզ մոտ

կլինեմ ես հանգիստ,
Մաքրիր Դու նաև մտքերս:

4. Հոգուդ կրակը իմ մեջ վառիր,
Թող ջերմանա սառը սիրտս,
Սուրբ Հոգուդ գործությամբ ինձ
օգնիր՝

Անձս ուրացած խաչիդ գամ:

Դու օգնիր, Դու օգնիր,
հարեհաս իմ Փրկի՛չ,

Հոգուդ գործությամբ ինձ օգնիր,
Ինձ հույս տուր, ինձ լույս տուր,
հավատք տուր ու սեր տուր
Գթառատ, առատ իմ Հիսուս:

5. Ուզում եմ անվերջ Քեզ մոտ
լինել,

Ոտքերիդ մոտից չհեռանալ,
Ուզում եմ սիրտս Քեզ նվիրել,
Եվ Քո սուրբ խորանը դառնալ:

Ընդունիր իմ սիրտը, չար
սիրտը, քար սիրտը,

Փոխիր այդ սիրտը, նորը տո՛ւր,

Որ հոգուդ, Սուրբ Հոգուդ սուրբ
սերը, իմ Հիսուս,

Սրտիս մեջ բացի սուրբ
աղբյուր: